



**PARLIAMENT**  
OF THE REPUBLIC OF SOUTH AFRICA

## VAKALISA ULUVO LWAKHO

### UMTHETHO OYILWAYO WE- "VAT" WAMAQONDO NEZIXA-MALI KUNYE NOFAKELO-ZIHLOMELO KWIMITHETHO YENGENISO OSAQULUNQWAYO IziPhakamiso neeNdibano zoVakaliso-zimvo

IKomiti esiSigxina yezeziMali kunye neKomiti eKhethekileyo yezeziMali imema abachaphazelekayo kunye namaqela anomdla ukuba angenise iziphakamiso ezibhaliweyo malunga noMthetho oYilwayo we- "VAT" wamaQondo neZixa-mali kunye noFakelo-zihlomelo kwiMithetho yeNgeniso oSaqulunqwayo.

#### **UMthetho oYilwayo we- "VAT" wamaQondo neZixa-mali kunye noFakelo-zihlomelo kwiMithetho yeNgeniso oSaqulunqwayo ujonge:**

- ukuqingqa amaqondo erhafu yesiqhelo;
- ukufakela izihlomelo kuMthetho weRhafu kwiMpahla aNayo uMntu, wowe-1955, ukuze kube nokufakelwa izihlomelo kwiqondo lerhafu kwimpahla anayo umntu;
- ukufakela izihlomelo kuMthetho weRhafu kwiNgeniso, wowe-1962, ukuze kube nokufakelwa izihlomelo kumaqondo erhafu nezixa-mali;
- ukufakela izihlomelo kuMthetho weMpahla eVeliswe ngaPhandle Kweli neVeliswe ngaPhakathi Kweli, wowe-1964, ukuze kube nokufakelwa izihlomelo kumaqondo erhafu akwiShedyuli 1 yalo Mthetho;
- ukufakela izihlomelo kuMthetho weRhafu kwiXabiso leziNto eziThengiswayo neeNkonzo, wowe-1991, ukuze kube nokufakelwa izihlomelo kwiqondo lerhafu kwiXabiso leziNto eziThengiswayo neeNkonzo;
- ukufakela izihlomelo kwisibonelelo ukuze kube nokubonelelwa ngokumiselwa kwerhafu ngendlela esebenzayo kurhwebo ngezixhobo ze-elektroni; kunye
- nokulungiselela imiba enxulumene noko.

**Iindibano zoluntu zovakaliso-zimvo ziza kuqhutywa ePalamente ngomhla wama-25 kuTshazimpuzi nangawesi-2 kwekaCanzibe 2018.**

**Iziphakamiso kwakunye nesicelo sakho esibonakalisa umnqweno wokwenza ingcaciso yomlomo kufuneka zifike ingadlulanga intsimbi ye-12:00 emini maqanda ngoLwesihlanu, umhla wama-20 kuTshazimpuzi 2018.**

Iziphakamiso kufuneka zibhekiswe kooNobhala beKomiti, uMnu Allen Wicomb kunye noNks Teboho Sepanya (iKomiti esiSigxina yezeziMali) kunye noMnu Zolani Rento (iKomiti eKhethekileyo yezeziMali), 3rd Floor, 90 Plein Street, Cape Town, 8000 okanye ku [awicomb@parliament.gov.za](mailto:awicomb@parliament.gov.za) / [tsepanya@parliament.gov.za](mailto:tsepanya@parliament.gov.za) / [zrento@parliament.gov.za](mailto:zrento@parliament.gov.za) inomb. yomnxeba (021) 403-3759 / (021) 403-3738 / (021) 403-8071 okanye yefeksi : (021) 403-3942.

**Sikhutshwe ngoHlon. uYI Carrim, iLingu lePalamente, uSihlalo: IKomiti esiSigxina yezeziMali (kwiNdlu yoWiso-mthetho yeSizwe) kunye noHlon. uCJ De Beer, iLingu lePalamente, uSihlalo: IKomiti eKhethekileyo yezeziMali (kwiBhunga lamaPhondo leSizwe).**

**Parliament. Making Democracy Work**

[www.parliament.gov.za](http://www.parliament.gov.za)